

UUT'T OLDE VODDEN

De mense hier zekt as dat
Ut in ons land lōp mis,
En dat ut al in men'ge stad
Zo rot as een mispel is!
Wiej heurt toch, de criminalen
Deilt door de lakens uut,
En veur'tbestriēn der kwalen
Heb ze schiēnbaar gin kruut
De luū dee d'orde mot bewaarn
Bunt tr neet teeg'n op ewas'n,
tGepeupel zal ok heel ont-aarn
Zee goat de politie judassen!
Ze heb dan ok wel alles mee
Dat wette wiej al lange,
Wiej zaggen ut op de T.V.,
Ze bunt veur niks meer bange!
Veniēlt wat ze moor tegen kōmt
Brekt ok de stroaten op,
Zee liekt onzinnug af-estompt,
Onwies is dee hele trop!
As ze van dee buujen hebt
Door ze of alles mag,
Wod zelfs deur zenders op-epept
Alle wetten wod vekrach
De tegels uut ut trottoir
Dee wod an stukken eslagen,
Net as stroatstēne: met mekaar
Wod dee met heupe an-edragen!
En met'n elan, neet te blussen
Goat ze zich dan vemeiēn,
Smiet noa agenten en bussen
Een rēgen van dee keiēn!
kWet wel dat ie dr ok van baalt,
Wat veūle wiej ons genept!
Noatied liekt't door een vaalt
Hele stroaten bunt tan velept.
Want ok van winkelroeten zōlt
Ter wat an diggels goan,
Alles wat door steet dat vōlt,
Niks zal dr bliēven stoan!

Noe zeg ie, wee tneet hef ezeen:
"tGeet vas wel anders int werk,
Want toch politie, zēe alleen
Hebt woapens en bunt dus sterk.
Woapens heft tuūg eerbied veur
Dat wette wiej uut ut veleen,
Dan goat ze dr metēne van deur
En loat zich neet meer zeen "
En dat is ut noew moor net
Want bie ons in de lande
Wod de politie veur schut ezet
zMot werk'n met hoas blote
hande
tGespuus dat zo geet te keer
Krig niēt zien vediēnde loon;
Met woapens dooj ze soms zēer
Nee, dat kō toch neet doon
As ze met inzet van vōlle man
Noa zon agenten-steenugging!
Endluk de orde hebt hesteld,
Van de politie wette wiej dan
Dat dee in eigenkring

Dan eur gewonden telt
Ze bunt dan in slechte luūm
Ech, ndat ze 'theb deurstoan
Kregen ze van hogehand
'npluum
Ze hadn tzo beheerst edoan!
Al bunt zēe veurn deel gewond
Noa ut zeekenhuus goan,
Al kregen z'afjach as 'nhond
zMoggen neet hād trugge sloan!
Zon pluum veur goed gedrag
Ve-werkt ze beslis wat trāge
Dat zee niks, d'ander alles mag
Lig eur zowar op de maage!
Hier buutten op ut land,
In darpen klein en groot,
Bekiekt ze 'tvan d'andre kant
Wiej ergert ons hoas dood!
As anarchie hier kan regeern,
Aw ons regelt noa zuk gespuus
Dan hale wiej in kotte kern
De duuvel hier in huus!
Zo as de televisie't ons brach

Al meerdre kern, gestādug,
tVeloochenen van wet en gezag
Das toch gewoon misdadug!
Demokratie, olmoōl goed en wel
Door bunne wie hier ook veur,
Moor de te gebruikn veurn rel
Dat kan dr neet biejeur
Wille wie neet te onder goan
An geweld en de anarchist
Dan mot tr gaw wat an edoan
Veūr dat wie de boot mist
Want as tat zō deur geet
Kump alles op de koffie!
De òverheid dee dr veur steet
Hef door an wel een kloffie!
Moor ut mot anders an-epakt
Daat steet veur ons wel vaste,
Ast an ons lig, dan smakt
Ze'thele zoodje in de kaste!
Ze mot wetn dat neet alles mag
Zich holn an de wet ent gezag!

OME JEHAN